

春秋左傳類解

春秋左氏傳序

左丘明魯太史也受春秋於孔子親
見行事故其言該而中倫其實著而
寡謬雖其裁斷大義或戾聖人而其
文蔚然可觀也漢初其書出於張蒼
之家傳者甚鮮逮賢詎始爲訓詁建
武以後博士有官而諸儒授受以擢

高第爲講卽矣于是賈逵服虔並爲
註解晉杜預有經傳集解唐長孫無
忌有正義而說者以杜註爲優至於
今左氏之學賴以不衰

國家于春秋雖專以胡傳取士而考論
往蹟非左氏則何所於稽近世士大
夫崇尚文詞至於字微而句擬之何

其說之盛歟予暇亦愛覽是書故命
承奉王大用刻布焉刻成予復覽而
興曰春秋之時王綱不振列國各以
其政爲政強凌弱衆暴寡亂臣賊子
接跡而肆故春秋作焉以命德討罪
惇典庸禮今

朝廷出片紙以令天下其誰不奔走服

從卽使五霸有作將焉假力哉故予
之取左氏者文也仰惟我

皇上稽古右文講學不倦將興唐虞三代
之功頃以

御製敬一箴頒示我諸藩予雖不敏敢不
敬承是舉也雖不足以上希前賢蓋
亦竊取爲善最樂之義嗚呼則文

類以遵仲尼、儒者之事也。昭德秉禮，
以無墜周公之典，其在予也。夫書刻
之精，否固所略云。

皆嘉靖戊子黃鍾上澣

劉歆曰左氏好惡與聖人同親見夫子而公穀在七十子公傳
聞之與親見其詳畧不同也

希玄子書於寶賢堂

春秋左氏傳序

春秋序

此元凱所作既以釋經故依例音之本或題為春秋左傳序者沈文何以為釋例序今不用

唐國子博士兼太子中允贈齊州刺史

吳縣開國男陸 德明 釋文附

春秋者魯史記之名也記事者以事繫日繫工以日

繫月以月繫時以時繫年所以紀遠近別同異也別

列故史之所記必表年以首歲年有四時故錯舉以

為所記之名也錯七各反凡有史官掌邦國四方

之事達四方之志諸侯亦各有國史大事書之於策

策本又作冊亦小事簡牘而已牘徒孟子曰楚謂之

檮杌晉謂之乘孟子書名姓孟名軻字子與鄆邑人

與齊宣王同時人著此書檮徒力反

又作下

杞五忽反構杞四凶之一杜云頑凶無構匹之貌乘輕證反車乘也云云兵乘而魯謂之春

秋其實一也韓宣子適魯宣子名起晉大夫見易象

與魯春秋曰周禮盡在魯矣盡津忍反吾乃今知周

公之德與周之所以王王于況反韓子所見蓋周之

舊典禮經也周德既衰官失其守上之人不能使春

秋昭明赴告策書告古壽反一音古報反諸所記注

注聚住反多違舊章仲尼因魯史策書成文考其真

偽而志其典禮上以遵周公之遺制下以明將來之

法其教之所存文之所害則刊而正之刊苦干以示

勸戒其餘則皆即用舊史史有文質辭有詳略不必

改也故傳曰其善志又曰非聖人孰能脩之蓋周公

之志仲尼從而明之左丘明受經於仲尼以為經者

不刊之書也故傳或先經以始事先悉或後經以終

義後戶或依經以辯理或錯經以合異隨義而發其

例之所重重直用反舊史遺文略不盡舉非聖人所

修之要故也身為國史躬覽載籍必廣記而備言之

其文緩其旨遠將令學者令力呈反下原始要終要

尋其枝葉究其所窮又反優而柔之使自求之饜

而飫之饜於醢反使自趨之趨七佳反若江海之浸

煖浸子反膏澤之潤膏古反渙然冰釋渙呼反怡然理順怡以反

之反

然後為得也其發凡以言例皆經國之常制周公之

垂法史書之舊章仲尼從而修之以成一經之通體

其微顯闡幽闡昌善反明也裁成義類者皆據舊例而發義

指行事以正褒貶褒保刀反貶彼檢反字林方紀反諸稱書不書先

書故書不言不稱書曰之類皆所以起新舊發大義謂

之變例然亦有史所不書即以為義者此蓋春秋新

意故傳不言凡曲而暢之也暢勅亮反其經無義例因行

事而言則傳直言其歸趣而已趣七往反非例也故發傳

之體有三而為例之情有五為于偽反又如字一曰微而顯

文見於此見賢通反下同而起義在彼稱族尊君命合族尊

夫人音音梁亡城緣陵之類是也二曰志而晦約言

示制推以知例參會不地參七南反與謀曰與音預及

之類是也三曰婉而成章統於反曲從義訓以示大順

諸所諱辟辟本亦作避音同後放此璧假許田之類是也假古雅反後不

音者四曰盡而不汙汙於俱反曲也直書其事具文見意丹

楹刻楹音盈刻音桶克桶音角天王求車齊侯獻捷之類是也

捷在反五曰懲惡而勸善懲直并反求名而亡欲蓋而章書

齊豹盜三叛人名之類是也推此五體以尋經傳觸

類而長之長丁反附于二百四十二年行事主道之正

人倫之紀備矣或曰春秋以錯文見義若如所論則

經當有事同文異而無其義也先儒所傳傳直皆不

其然答曰春秋雖以一字為褒貶然皆須數句以成

言數色主非如八卦之爻可錯綜為六十四也宋反

固當依傳以為斷斷丁古今言左氏春秋者多矣今

其遺文可見者十數家大體轉相祖述進不成為錯

綜經文以盡其變退不守立明之傳於立明之傳有

所不通皆沒而不說而更膚引公羊穀梁膚芳適是

自亂預今所以為異專修立明之傳以釋經經之條

貫貫古必出於傳傳之義例亂反摠歸諸凡推變例以正

褒貶簡二傳而去異端去起蓋立明之志也其有疑

錯則備論而闕之以俟後賢然劉子駿駿音侯子創

通大義創初亮反字亦作翊賈景伯父子許惠卿皆先儒之美

者也未有頴子嚴者雖淺近亦復名家復扶又反下同故特

舉劉賈許頴之違以見同異見賢通反下同分經之年與傳

之年相附比其義類比此志反各隨而解之名曰經傳集

解又別集諸例及地名譜第歷數譜本又作謹同市古反數所具反後

不音者皆同相與為部凡四十部十五卷皆顯其異同從

而釋之名曰釋例將令學者觀其所聚異同之說釋

例詳之也或曰春秋之作左傳及穀梁無明文說者

以為仲尼自衛反魯修春秋立素主王于況反下王魯素王同立

明為素臣言公羊者亦云黜周而王魯黜勅危行言

孫行下孟反孫音以辟當時之害故微其文隱其義

公羊經止獲麟而左氏經終孔立卒敢問所安答曰

異乎余所聞仲尼曰文王既沒文不在茲乎此制作

之本意也歎曰鳳鳥不至河不出圖出如字又吾已

矣夫夫音扶下蓋傷時王之政也麟鳳五靈王者之

嘉瑞也瑞垂今麟出非其時虛其應應對而失其

歸此聖人所以為感也絕筆於獲麟之一句者所感

而起固所以為終也曰然則春秋何始於魯隱公荅

曰周平王東周之始王也隱公讓國之賢君也考乎

其時則相接言乎其位則列國本乎其始則周公之

祚胤也祚才路反胤以刃反若平王能祈天永命紹開中興丁中

仲隱公能弘宣祖業光啓王室則西周之美可尋文

武之迹不墜墜直反是故因其歷數附其行事采周之

舊以會成王義王如字又垂法將來所書之王即平

王也所用之歷即周正也正音政讀者多音征後皆放此所稱之公

即魯隱也安在其黜周而王魯乎子曰如有用我者

吾其為東周乎此其義也若夫制作之文所以章往

考來情見乎辭言高則旨遠辭約則義微此理之常

非隱之也聖人包周身之防包必交反防扶放反又音房既作之

後方復隱諱以辟患非所聞也子路欲使門人爲臣

孔子以爲欺天而云仲尼素王立明素臣又非通論

也論力先儒以爲制作三年文成致麟既已妖妄又

引經以至仲尼卒亦又近誣近誣如字近舊音無據公

羊經止獲麟而左氏小邾射邾音亦不在三叛之

數故余以爲感麟而作作起獲麟則文止於所起爲

得其實至於反袂拭面袂音世反稱吾道窮亦無取

焉

春秋左傳類解目錄

卷之一 周

卷之二 魯

卷之三 魯附邾小邾

卷之四 宋

卷之五 杞

卷之六 陳

卷之七 滕 薛

卷之八 齊

卷之九 紀

卷之十 莒

卷之十一 晉

卷之十二 晉

卷之十三 號 虞 秦

卷之十四 鄭

卷之十五 許

卷之十六 衛附邢

卷之十七 曹

卷之十八 蔡

卷之十九 吳 越

卷之二十 楚

春秋左傳類解凡例

春秋明倫理扶世立教之書也周衰道微是非不明孔子取魯史往事斷是非書要以示人因實行明道不專紀載故其文主義約而嚴左氏因經脩魯史廢遠而失事本末詳紀載以釋經故其文主事傳而浮學者必先知傳事然後能得經義舊傳編年總知次序又牽他說不便初學因僭妄分國仍書經編年於上非敢破碎聖言蓋欲通一國盛衰盡一事首尾以知是非所在不至鑿空說經亦得以經斷傳謬傳補經闕

若夫博以反約決大疑處事常變不失中未必不本此也

一公穀二傳各去取附書於後或義非而事詳者則取其事或事畧而義精者則取其義或義事無足取而文難釋者亦取其文爲註釋恐初學不解所謂以亂道也

一理在人心而事本紀載得事之真而是非自分如不得桓公子糾兄弟實故經乾時戰曲說不得夏父叔術讓國事故傳通濫文妄解今專釋事間取先儒一二說附經下爲則其餘佚

以權度類推也

一三傳先秦文字極古不能句讀歷代註釋多差學者主此或疑其背理非傳或信其曲通釋經隱適誣民莫甚此今採先儒議正其註釋差者其疑而可通者仍存某氏云

一各國悉依經傳子史撮其興亡畧於前名簿各具某公下其某謚爲某多不得其真姑依謚法釋字義云

一分各國經傳處俱用國間之使別不害其爲同若經合在此而傳爲他國則取傳附他國而於

經下註傳見其如公至自某類若經傳俱合在此而取附他國者蓋分領主輕重如叙齊桓晉文伯類

一傳舊本遺失者據善本補完字互有不同者註一作某字諸本俱差者據上下文當作某字其不可釋則闕以俟

一傳論事於理不通者但釋其文不斷其是非一傳引詩書多斷章取義與本文不同若泥則不能通今悉就傳意釋之其論禮亦有背戾從習俗者學者當自擇也

一地理悉依漢書杜預仍考歷代沿革作自周以上各國譜其間或據山川或據鄰國或據經史以知舊志失各見條下

一世系氏族異同孫祖是非鄭氏信杜預而不據世本史記信世本而不據左傳歐陽公信小說而不本經今引證諸書以經傳國語爲權衡其互說不可考者各註下雖傳所無而亦叙者欲知一族之源流也

一春秋有文自不得不如此書者如元年春王正月元年春自是史書常體孔子加王於正月上

見周正朔桓無王故不書王其餘無正月則不
須書王但書春非闕文亦非不頒正朔也二月
三月亦然不可一一曲求褒貶

一是書以微賤索居無同志助書神數困于錄兼
貧窶其乏紙筆因舍易釋難利苟簡易成尚艱
弘治丁巳再承之戶曹得大君子爲依歸命續
淮浦少閑散王事暇以得於觀感者草草改訂
求教尚明以遂塗說志倘詳釋正其謬不吝數
金楷書再刻非徒續感德而於聖道太必無少
補也

八風圖



躔度分野圖

大傳圖

甲五



二十八宿隨天左旋半隱半見南方月令孟春日在

營室姬姬昏參中旦尾中仲春日在奎墮降昏弧中

井近旦建星中斗季春日在胃彗大昏七星中旦牽牛

中孟夏日在畢彗大昏翼中旦婺女中仲夏日在東

井彗大昏亢中旦危中季夏日在柳彗大昏亢中旦

奎中孟秋日在翼彗大昏建星中旦畢中仲秋日在

角彗大昏牽牛中旦觜觿中季秋日在房彗大昏虛

中旦彗大中孟冬日在尾彗大昏危中旦七星中仲冬

日在斗彗大昏東辟中旦軫中季冬日在婺女彗大

昏婁中旦氏中

歲星木星也二十八宿分十二次一年行一次故曰
一歲十二年行十二次周天故曰一紀其行有遲速
不同大歲在子午卯酉四仲則行三宿大歲在寅申
巳亥四孟及辰戌丑未四季則行二宿大歲爲陰左
行在寅歲星爲陽右轉居丑大歲在卯則歲星居子
在辰則居亥在巳則居戌在午則居酉在未則居申
在申則居未在酉則居午在戌則居巳在亥則居辰
在子則居卯歲星所在其國有福失次則所衝之地
有禍過次者殃大過合者殃小不過則無咎按襄二
十八年丙辰傳謂歲在星紀而滯於玄枵按星紀丑

位與亥差二次者編年甲子疑誤

凌稚隆曰按三傳所載經文亦多乖異事同字異如儀父監蔑
盟昧之類事字俱異如步氏卒於氏卒之類馬端臨氏謂公教直
以其傳機入之經而左氏則徑自經傳自付至元凱始以左傳附經
文後據此當知三傳惟左氏經文主稱左氏經者其所書紀丘卒則
紀丘卒後弟子增入非左氏經矣又曰按三傳乃文章之冠上論他者
家無解仰窺藩籬即亦史公稱良史才其所規畫變化之不越
其矩度迹其首尾起伏近在一篇方之開闔張弛也括全傳者公
量以別則則被書步驟太史記書摹擬兩家蓋淵源有自矣而說

春秋左傳圖

者彼、病其理蓋據其所化數祥夢卜鬼怪神奇一、管應以屬浮誇
然變因必可理推古今自外相及安知事果盡証非沿舊史失耶惟
是并以利害成敗論人故先為異說于前以著其驗此朱子之得
以大病些之爾

照竟陵鍾惺伯敬父批點

春秋左傳類解周卷之一

蘆泉劉績編註

周

姬姓。出自黃帝之苗裔帝嚳子棄之後也。有農功。封
邵。號后稷。其地武功縣。聚城是也。邵之總名曰周。故
國號周。及夏之衰。大康失國。稷官遂廢。稷之子不窋
失其官。竄於西戎。不窋卒。子鞠立。鞠卒。子公劉立。公
劉遷邠。邠州三水古邠城是也。公劉卒。子慶節立。慶
節卒。子皇僕立。皇僕卒。子荑弗立。荑弗卒。子毀隃立。
音踰世毀隃卒。子公非立。公非卒。子高圉立。高圉卒。

本作榆

子亞圉立。亞圉卒。子公叔祖類立。公叔祖類卒。子古
公亶父立。爲戎所逼。去邠居岐。今鳳翔岐山是也。至
孫文王昌。爲西伯。始都豐。在永興鄠縣東南。武王都
鎬。在豐之東二十五里。武王崩。子成王誦立。成王崩。
子康王釗立。康王崩。子昭王瑕立。周道始衰。昭王南
巡。卒於江。子穆王滿立。穆王崩。子共王繄臯立。共王
崩。子懿王囂立。懿王崩。共王弟辟方立。是爲孝王。孝
王崩。諸侯復立懿王太子燹。是爲夷王。夷王崩。子厲
王胡立。暴虐無道。出奔彘。召公周公二相行政。號曰
共和。共和十四年。厲王死于彘。子宣王靜立。宣王卒。

子幽王宮涅立。

一作生

寵褒姒生子伯服。廢申后太子

宜臼。申侯與犬戎殺王于驪山下。立宜臼為平王。辟

戎寇。遷都王城。廢河南縣是也。盡舉故都而棄之。秦

所謂東周也。以豐鄠為西周。後敬王又遷成周。今洛

陽是也。復以王城為西周。成周為東周。平王四十九

年入春秋。敬王三十九年獲麟。後為秦滅。

平王

名宜臼。幽王子。四十九年入春秋。在位五十一年。卒。諡法治而無音曰平。

辛酉 隱三年

○三月庚戌天王崩。

崩者上墜之形。不書葬。魯不會也。

○三年春王三月壬戌平王崩。赴以庚戌。故書之。

赴以遠日。欲諸侯速至。不書實崩日。而書遠日者。即傳其偽。以聽臣子過也。

○穀梁曰高曰崩。厚曰崩。尊曰崩。天子之崩以尊也。其崩之何也。以其在民上故崩之。其不名何也。大上故不名也。

鄭武公

桓子

莊公

武公

為平王卿士。王貳於號

號

號君亦仕於王。王欲分政於號。不專任鄭。

鄭伯怨王。王曰。無之。故周鄭

交質。

王子狐為質於鄭。鄭公子忽為質於

周。

忽周公子

王崩。周人將畀號公政。四月。鄭祭足帥師

周四月今二月。溫河

取溫之麥。秋。又取成周之禾。

芟踐之。秋今之夏。也。成周洛陽縣。

周鄭交惡。君子曰。信不由中。質

無益也。明恕而行。要之以禮。雖無有質。誰能間之。

明顯明也。恕以已及人也。即信。苟有明信。澗谿沼

沚之毛也。山夾水曰澗。水注川曰谿。沼池也。所生物。蘋蘩蕒藻

之菜。蘋大萍也。蘩白蒿也。蕒音愠。杜云聚也。筐筥

錡釜之器。方曰筐。圓曰筥。皆竹器。有足曰錡。無足曰釜。皆金器。潢汙行潦之

水。潢汙停水。行潦流水。可薦於鬼神。可羞於王公。羞進而况

君子結二國之信。行之以禮。又焉用質。風有采蘋

采蘋雅有行葦。洄酌昭忠信也。昭明也。明有忠信。則人鬼享之。不在

物洄音迥

○秋武氏子來求賻。

武氏子來求賻。王未葬也。

○穀梁曰武氏子者何也天子之大夫也天子之

大夫其稱武氏子何也未畢喪孤未爵未爵使之

非正也言武氏卒其子尚居喪未爵命為大夫故稱武氏子不言之子故知父卒與仍叔之

子不其不言使何也無君也桓王在喪即位歸死者曰

賁歸生者曰賻曰歸之者正也求之者非正也周

雖不求魯不可以不歸魯雖不歸周不可以求之

求之為言得不得未可知之辭也交譏之

桓王名材平王之孫太子洩父之子隱四年即位桓十五年崩在位二十二年謚法辟土

服遠曰桓

甲子六年隱冬京師來告饑公為之請糴于宋衛齊鄭

禮也。鄭伯如周。鄭莊公始朝桓王也。王不禮焉。周桓

公言於王。即黑肩食采於周扶風雍縣東北有周城曰：我周之東遷，晉

鄭焉依。平王東遷，晉文侯鄭武公夾輔王室。善鄭以勸來者，猶懼不

旣。音忌也。況不禮焉，鄭不來矣。

丙寅夏，虢公忌父始作卿士于周。○八月丙戌

鄭伯以齊人朝王，禮也。杜云：鄭伯不以虢公得政而背王，故禮之。齊僖稱人

畧從國辭也

己巳，隱王取鄆。劉為邾之田于鄭。河南緱氏西南有鄆，邾魯西北有

劉亭。鄆，鳥上為危上，邾音于。而與鄭人蘇忿生之田。蘇已姓，顯

同為重黎生，陸終生昆吾，封于蘇。鄭西蘇城是也。武王用忿生為司寇，其子孫叛王，王不能有。

其田故與鄭易溫原緝樊隰成攢茅向盟州隄隤懷溫即

原在沁水縣西緝在野王縣西南樊即陽樊野王

縣西南有陽城隰在懷西縣西南攢在脩武

州北向音向輶縣西有地名向上盟音孟即孟津

州即州縣隄音刑隄在脩武縣北懷即懷州十二

邑皆忿生田攢茅隄君子是以知桓王之失鄭也

恕而行之德之則也禮之經也已弗能有而以與

人人之不至不亦宜乎

甲戌桓五年 ○秋蔡人衛人陳人從王伐鄭伐鄭非天

訓故下書王君行三從故書從以尊之不

言戰見王者無敵不言敗見非諸侯當禦

王奪鄭伯政鄭伯不朝秋王以諸侯伐鄭鄭伯禦

之王為中軍虢公林父將右軍蔡人衛人屬焉林父

周卿士也周公黑肩將左軍陳人屬焉黑肩周桓公也鄭子元

請為左拒以當蔡人衛人為右拒以當陳人子元鄭公

子方陳為拒李衛公云拒言其拒禦而已曰陳亂民莫有聞心若先犯

之必奔王卒顧之必亂蔡衛不枝固將先奔既而

萃於王卒可以集事集成也從之曼伯為右拒曼音萬即

檀伯祭仲足為左拒字仲名足杜云名仲非原繁高渠彌以中

軍奉公為魚麗之陳先偏後伍伍承彌縫二十五乘為偏

五人為伍以伍承偏之隙彌縫之此蓋魚麗陣法戰于繻葛音須鄭地命二拒

曰旂動而鼓旂旂也通帛為之蓋大將之麾執以為號令者蔡衛陳皆奔

王卒亂鄭師合以攻之王卒大敗祝聃射王中肩

王亦能軍。祝聃請從之。公曰：「君子不欲多上人，況

敢陵天子乎？苟自救也，社稷無隕，多矣。」夜，鄭伯使

祭足勞王，且問左右。鄭莊失大本而飾小節

丙子桓七年夏，盟向，求成于鄭。盟向二邑名，前周既而

背之。秋，鄭人莊齊人唐衛人宣伐盟向。王遷盟向

之民于郊。郊音夾，王城也。

丁丑桓八年○祭公來，遂逆王后于紀。祭側戎反，來地也。

祭公來，遂逆王后于紀，禮也。天子聚於諸侯使同姓諸侯為主祭公來

受命於魯故曰禮也

○公羊曰：「祭公者何？天子之三公也。何以不稱使？」

婚禮不稱主人

傳曰無諸父兄師友謂有母當命諸父兄師友稱諸父兄師友以

行時王有母故不稱使自命

遂者何生事也

生猶造也

大夫無

遂事此其言遂何成使乎我也其成使乎我柰何

使我為媒可則因用是往逆矣

成使謂成逆后之使事也言天子既

使魯主婚為媒今使祭公來謀逆后之期于魯若魯以為可則用是期往逆于紀其權在魯故雖書

遂不為罪其義同左氏舊註以為始使魯為媒就往逆者謬矣

女在其國稱女此

其稱王后何王者無外其辭成矣

辭成謂雖在紀亦得稱王后

戊寅桓九年春紀季姜歸于京師

季字姜紀姓

九年春紀季姜歸于京師凡諸侯之女行唯王后

書

○公羊曰紀季姜歸于京師其辭成矣則其稱紀季姜何自我言紀父母之於子雖為天王后猶曰吾季姜明子尊不京師者何天子之居也京者何大也師者何衆也天子之居必以衆大之辭言之甲申桓十有五年春二月天王使家父來求車三月乙未天王崩

十五年春二月天王使家父來求車非禮也諸侯不貢車服天子不私求財

莊王

名佗桓王子桓十六年即位莊十二年崩在位十五年

丁亥桓十八年

周公歆弑莊王而立王子克

莊王弟辛伯子儀也

告王

辛伯周大夫

遂與王殺周公黑肩王子克奔燕初

子儀有寵於桓王桓王屬諸周公辛伯諫曰

諫周公

並后

妾如后

匹嫡

庶如嫡

兩政

臣如君

耦國

都如國

亂之本

也周公弗從故及

難也及於

庚寅莊三年

○五月葬桓王

夏五月葬桓王緩也

七年乃葬

○穀梁曰五月葬桓王傳曰改葬也改葬之禮總

舉下緬也

緬總麻也五服最下者緬音免遠也綱

月既久喪藐遠而哀思之既非始葬不可服弁經

或曰郤尸以求諸侯

郤同却退也止也謂停尸七年以求諸侯會葬

天子志崩不志葬必其時也何必焉舉天下而葬

一人其義不疑也崩非常故書葬有定時乃常事故不書不疑謂至尊無屈也若

諸侯則記卒記葬有天子存葬不志葬故也危不

得葬也故他事也若書天子葬必曰近不失崩不

志崩失天下也近謂魯去京師不遠天子崩赴告易至得聞不失若不書崩必王朝

亂令不行於諸侯其失天下可知獨陰不生獨陽不生獨天不生

三合然後生故曰母之子也可天之子也可尊者

取尊稱焉卑者取卑稱焉陰指母陽指父天謂天命也言人必有母有父

有天命之性三者合然後生也故下可以稱母子

上可以稱天子王者極尊故稱天子衆人極卑故稱母子舉首尾而論若尊卑之間者不可備父其曰

子也此釋稱天子義自漢以來此傳不明

王者民之所歸往也。此釋又稱天王義

僖王

名胡齊莊王子魯莊十三年即位十七年崩在位五年謚法小心畏忌曰僖

癸卯莊十六年初晉武公伐夷執夷詭諸夷來地詭諸周大夫為國

請而免之。

亦周大夫既而弗報故子國作亂即為國謂晉

人曰與我伐夷而取其地遂以晉師伐夷殺夷詭

諸周公忌父出奔虢

避子國難周公忌父王卿士

惠王立而復

之。

惠王

名問僖王子莊十八年即位僖八年崩在位二十五年謚法柔質慈民曰惠

乙巳

十八年春虢公

西號晉侯獻朝王

惠王新即位故朝之王

饗醴命之宥皆賜王五鼓馬三匹非禮也

周禮上公三饗

三食三燕侯伯三饗再食再燕子男一饗一食一燕王親辭后始行饗禮先置醴酒示不忘古有杜云助也今鼓勸也飲酒以物勸王命諸侯名位不食即馬玉是也鼓音角双玉也

同禮亦異數不以禮假人魏乃公爵八命晉侯爵七命今同錫是非禮而

以禮借人也號公晉侯鄭伯厲使原莊公逆王后于陳

宣陳嬀歸于京師實惠后

丙午莊十九年初王姚嬖于莊王王姚莊王妾姚姓者也生子頹子

頹有寵為國為之師及惠王即位取為國之圃以

為圃圃園也種蔬菜圃苑也育禽獸邊伯之宮近於王宮王取之

邊伯周大夫王奪子禽祝跪與詹父田三子皆周大夫而收膳

夫之秩秩即石速秩祿也故為國邊伯石速詹父子禽祝跪

作亂因蘇氏

蘇氏周大夫桓王先奪十六邑以與鄭者

秋五大夫奉子

頹以伐王

石連土也不五大夫數

不克出奔溫

溫蘇氏邑蘇子奉

子頹以奔衛衛師燕師伐周

衛惠公南燕伯仲父

冬立子頹

丁未

二十年春鄭伯和王室不克

鄭厲公

執燕仲父

即南燕伯為伐周故

夏鄭伯遂以王歸王處于櫟

鄭邑河南陽翟縣

秋王及鄭伯入于鄆

桓王所取鄭邑

遂入成周取其寶器

而還冬王子頹享五大夫樂及徧舞

舞六代之樂

鄭伯

聞之見號叔

叔西號公字

曰寡人聞之哀樂失時殃咎

必至今王子頹歌舞不倦樂禍也夫司寇行戮君

為之不舉

作樂盛

而况敢樂禍乎奸王之位禍孰

大焉臨禍忘憂憂必及之盍納王乎號公曰寡人之願也

戊申二十一年春齊命于弭音米鄭也夏同伐王城鄭

伯將王自圉門入號叔自北門入殺王子頹及五

大夫鄭伯享主于闕西辟辟旁側也於樂備備六

王與之武公之畧自虎牢以東畧封界也鄭武公

虎牢以東後失其地原伯曰原莊公也鄭伯效尤

學子頹歌其亦將有咎五月鄭厲公卒王巡號守

天子省方謂之巡號公為王宮于珽珽蒲頂王與

之酒泉周邑鄭伯之享王也王以后之肇鑑予之

簪帶以鑑為飾今四方荒胡猶然號公請器王予

之爵也古之遠服婦人物非所以賜有功號公請器王予

自號

甲寅莊二王使召伯廖賜齊侯命召伯廖王卿士

伯扶風雍縣東南有召亭蓋召康公後且請伐衛以其立子頹也

○公會齊侯于城濮謀伐衛城濮衛地

乙卯二十有八年春王三月甲寅齊人伐衛衛人及

齊人戰衛人敗績書曰者言齊以是日討衛衛不服

以貶拒命齊亦書人受賂也

二十八年春齊侯伐衛戰敗衛師數之以王命取

賂而還

丁巳莊樊皮叛王。樊米地皮名三十年春王命虢公討

樊皮夏四月丙辰虢公入樊執樊仲皮歸于京師

丙寅僖五年○公及齊侯桓宋公桓陳侯宣衛侯文鄭伯

文許男傳曹伯昭會王世子于首止秋八月諸侯盟

于首止鄭伯逃歸不盟

會于首止衛地陳留襄邑會王太子鄭惠王聚陳

太子鄭及叔帶后愛叔帶王將謀寧周也○秋諸

侯盟王使周公召鄭伯曰吾撫女以從楚惠王怨齊會諸

侯定大子故召鄭文輔之以晉可以少安鄭伯喜

於王命而懼其不朝于齊也故逃歸不盟孔叔止之孔叔鄭大夫曰國君不可以輕輕則失親失親患必至病而乞盟所喪多矣君必悔之弗聽逃其師而歸

○穀梁曰及以會尊之也

不敢與同列若世子在是而諸侯往會焉何

尊焉王世子云者唯王之貳也

貳副也

云可以重之

存焉尊之也何重焉天子世子世天下也秋八月

諸侯盟于首戴無中事而復舉諸侯何也尊主世

子而不敢與盟也尊則其不敢與盟何也盟者不

相信也故謹信也不敢以所不信而加之尊者有

信故盟若世子與焉則是以不信加之與約束諸侯無異故齊桓不敢盟世子而與諸侯自盟以尊之桓諸侯也不能朝天子是不臣也王世子子也

塊然受諸侯之尊已而立乎其位是不子也塊然安然

也桓不臣王世子不子則其所善焉何也是則變

之正也天子微諸侯不享覲桓控大國扶小國統

諸侯不能以朝天子亦不敢致天王尊王世子于

首戴乃所以尊天王之命也言桓為伯既不朝天于京師亦不敢致

天王于盟地故尊其子乃所以尊其父此言桓尊世子所以為善世子含王命會

齊桓亦所以尊天王之命也世子受之可乎是亦

變之正也天子微諸侯不享覲世子受諸侯之尊

已而天王尊矣世子受之可也

此言世子受諸侯尊所以為善鄭

伯逃歸不盟以其去諸侯故逃之也

戊辰僖七年

閏月惠王崩襄王惡大叔帶之難懼不立

不發喪而告難于齊

已巳僖

八年春王正月公會王人齊侯

桓

宋公

桓

衛侯

文許男

僖曹伯

共

陳世子欵盟于洮鄭伯乞盟

陳世子欵

下公有鄭世子華王人下士也與諸侯盟不識者王室有難故也乞者卑遜自屈之辭欲與是盟而未知得否也

○冬十有二月丁未天王崩

八年春盟于洮

洮水出西羌中北至洮罕入于河曹地

謀王室也鄭

伯乞盟請服也襄王定位而後發喪○冬王人來

告喪難故也是以緩。

○穀梁曰王人之先諸侯何也貴王命也朝服雖敝必加於上弁冕雖舊必加於首周室雖衰必先諸侯兵車之會也鄭伯乞盟以向之逃歸乞之也乞者重辭也重是盟也乞者處其所而請與也蓋洵之也處其所而請與謂鄭伯居本國而使入來請與是盟也洵同酌參酌量度也謂盟否在人而已不敢必舊註肥血者非

襄王

名鄭惠王子僖九年即位文八年崩在位三十三年謚法辟地有德曰襄

辛未僖十年

○狄滅溫溫子奔衛

蘇子國于溫故曰溫子蓋中國狄滅而居其地

十年春秋滅溫蘇子無信也蘇子叛王即狄又不

能於狄。不能猶言不相得也。狄人伐之。王不救。故滅蘇子。奔

衛。

壬申僖十一年夏陽拒泉臯伊雒之戎。陽拒泉臯皆戎邑及諸雒戎居伊水

雒水之間者今伊闕北有泉亭河南雒陽縣西南有戎城伊水出上雒盧氏縣熊耳山東北至河南

雒陽縣入雒雒水出上雒縣豕領山東北經弘農至河南鞏縣入河也同伐京師入

王城焚東門王子帶召之也秦晉伐戎以救周。秦勝

公晉惠公秋晉侯平戎于王。

癸酉僖十二年王以戎難故討王子帶秋王子帶奔齊冬

齊侯使管夷吾平戎于王使隰朋平戎于晉。晉救周伐

戎王以上卿之禮饗管仲管仲辭曰臣賤有司也

有天子之二守國高在二子乃王命卿若節春秋來承主

命何以禮焉陪臣敢辭節適其時也陪重臣王曰舅

氏伯舅之使故曰舅氏余嘉乃勲應乃懿德謂督不忘往踐

乃職無逆朕命乃汝也應當也懿美也督如微子之命曰篤不忘之篤厚也言我善

汝之功勲受汝之美德謂其督厚而不忘故報之如此汝當踐其位而無逆朕命也管仲受

下卿之禮而還君子曰管仲之世祀也宜哉謙不

忘其上詩曰愷悌君子神所勞矣詩大雅旱麓篇豈樂第易也勞

慰撫也

甲戌十三年春齊侯使仲孫湫聘于周且言王子

帶事畢不與王言歸復命曰未可王怒未怠其十

年乎不十年王弗召也○秋為我難故諸侯戍周

齊仲孫湫致之夏齊桓宋襄陳穆衛文鄭文曹共會于鹹謀王室事見杞

丁丑僖十六年王以戎難告于齊齊徵諸侯以戍周齊桓公

辛巳僖二十年○鄭人入滑滑伯爵姬姓國在河南緱氏縣

滑人叛鄭而服于衛文公夏鄭公子士文公洩堵寇

帥師入滑

癸未僖二十二年初平王之東遷也辛有適伊川見被髮

而祭於野者辛有周大夫伊川即伊水周地曰不及百年此其戎

乎其禮先亡矣秋秦晉遷陸渾之戎于伊川此允姓之

戎居陸渾者先在秦晉西北至是秦晉誘而徙之伊川遂從戎號至今有陸渾縣○富辰

言於王曰。請召大叔。詩曰。協比其鄰。昏姻孔云。雅小

正月詩言和協比合其近親則吾兄弟之不協焉。昏姻之國音旋而歸之云旋也

能怨諸侯之不睦。王說。王子帶自齊復歸于京師。

王召之也。叔帶果十年歸終仲秋言

乙酉僖二十四年○夏狄伐鄭。○冬天王出居于鄭。自周無出特書

出言其自取之也出而居明天下皆周有也

鄭之入滑也。滑人聽命。師還。又即衛。鄭公子士洩

堵俞彌帥師伐滑。堵俞彌鄭大夫王使伯服游孫伯如鄭

請滑。二子周大夫鄭伯然惠王之入而不與厲公爵也。

又怨襄王之與衛滑也。故不聽王命而執二子。王

怒將以狄伐鄭富辰諫曰周大不可臣聞之大上

以德撫民謂親疎如一其次親親以相及也先親後疎昔周

公弔二叔之不咸故封建親戚以蕃屏周管蔡邲

霍魯衛毛聃郇雍曹滕畢原鄭郇文之昭也管國在蔡

陽京縣東北霍國在晉州霍邑郇國在單州成武

雍國在河內山陽縣西畢國在長安縣西北原在

沁水縣西鄆國在始平縣邠晉應韓武之穆也四

邠東邠在邠州三水東邠武王子邠國在野王縣西北三十里應允蔣邠

茅胙祭周公之胤也九在共縣西南蔣在弋陽期

燕縣西南有胙亭祭城在管城東北平陽也二叔

夏商季世也咸同也周公傷夏商之季世疏親戚

使宗族不同心致戚召穆公思周德之不類故糾

亡故建之如此多

合宗族于成周

召米地扶風雍縣東南有召亭穆公虎以周厲王時兄弟道缺周德

不善故合宗族於東都以親之

而作詩曰

此而字承上周公召公二節詩乃周公作召公

後復誦之故下文

棠棣之華鄂不韡韡今之人

莫如兄弟

棠棣棣也鄂鄂然外見貌韡韡音偉光明貌言棠棣衆華俱外發則韡韡光明

兄弟分封治外則政治光明所以人皆莫如也與詩少異

其四章曰兄弟闕于

墻外禦其侮

墻外禦其侮也禦禁禦也言兄弟雖闕恨于內然有他人侮之則忘其忿而同

心禦敵矣

如是則兄弟雖有小忿不廢懿親

懿親也懿美今天

子不忍小忿以棄鄭親其若之何庸勲親親牖近

尊賢德之大者也

庸用也王功曰勲

即聾從昧與頑用器

姦之大者也棄德崇姦禍之大者也鄭有平惠之

勲鄭納平王納惠王言常用勲

又有厲宣之親

鄭始封祖桓公友周厲王之子

宣王母弟

棄嬖寵而用三良

三良即叔詹堵叔師叔言鄭賢當尊之

於諸姬為近

鄭居河洛北姬姓諸國與

四德具矣

鄭賢當尊之

其全

耳不聽五聲之和為聾

倫也言不當就即

聾

目不別五色之章為昧

章謂顏色昭昧也言不當從昧

心不則德義之經為頑

則法也言不當與頑

口

不道忠信之言為囂

起無私也信實也囂說文

狄

皆則之四姦具矣

則謂其身是也

周之有懿德也猶曰

莫如兄弟故封建之

周有德化民周公作詩猶以為不如兄弟故封建使化民

其懷柔天下也猶懼有外侮扞禦侮者莫如親親

故以親屏周

周懷來柔安天下猶恐有外侮使兄弟藩屏周室

召穆公亦

云

穆公歌之故言亦云

今周德既衰於是乎又渝周召以從

諸姦無乃不可乎

渝變其道也

民未忘禍

有子頹子帶之禍

王

又興之其若文武何

將墜其業

王弗聽使頹叔桃子出

狄師

皆周大夫

夏狄伐鄭取櫟

鄭邑名

王德狄人將以其

女爲后富辰諫曰不可臣聞之曰報者倦矣施者

未厭狄固貪恠王又啓之

倦謂報已足未厭謂貴報無已也恠亦貪也方

言殺人取財曰恠啓開導也言王啓狄無厭之求也

女德無極婦怨無終

婦女

已有德於人則責望之深人有怨於已則懷恨之久

狄必爲患王又弗聽初

井昭公有寵於惠后

即子帶食邑於井河南縣西南有井水

惠后將

立之未及而卒昭公奔齊王復之又通於隗氏即

王所立王替隗氏王知之故顏叔桃子曰我實使

狄狄其怨我遂奉大叔以狄師攻王王御士將禦

之周禮王之御士十二人王曰先后其謂我何寧使諸侯圖

之王遂出及次飲周地名在河南鞏縣東國人納之國人納王復入

周秋顏叔桃子奉大叔以狄師伐周大敗周師獲

周公忌父原伯毛伯原毛皆朱邑王出適鄭

處于汜汜音九開封有汜水柱云南汜也大叔以

隗氏居于溫○冬王使來告難曰不穀不善也不

德得罪于母弟之寵子帶鄙在鄭地汜野居鄭地敢

告叔父。臧文仲對曰：天子蒙塵于外，敢不奔問，官

守。官守王王使簡師，父告于晉，使左鄆父告于秦。

天子無出，書曰：天王出居于鄭，辟母弟之難也。天

子凶服降名，禮也。鄭伯與孔將鉏、石甲父侯宣多

省視官具于汜。省官司而後聽其私政，禮也。

丙戌，僖二十五年秦伯師于河上，將納王。秦穆公狐偃言於

晉侯，文曰：求諸侯莫如勤王，諸侯信之，且大義也。

繼文之業。晉文侯仇為平王而信宣於諸侯，今為

可矣。使卜偃卜之，曰：吉。遇黃帝戰于阪泉之兆。黃帝

與姜氏戰于阪泉之野，勝之，今得其兆，故以為吉。公曰：吾不堪也。對曰：周

禮未改。今之王古之帝也。言周雖衰其命未改今之周王自當帝兆不謂

也晉公曰筮之筮之遇大有三三離上之睽三離上乾

兌曰吉遇公用享於天子之卦也。大有九三戰克而

王饗吉孰大焉。爻辭謂饗者必戰勝且是卦也天

為澤以當日。天子降心以逆公不亦可乎。乾天為

為兌澤在下以當離日是降下大有去睽而復亦

其所也。去睽卦還論大有卦晉侯辭秦師而下三

月甲辰次于陽樊。周邑名右師圍溫左師逆王夏四

月丁巳王入于王城取大叔于溫殺之于隰城戊

午晉侯朝王王饗禮命之宥。既行饗禮而設醴酒又加之以幣帛勸宥

請隧

地道曰隧王葬自此諸侯葬縣棺不隧故請之

弗許曰王章也未

有代德而有二王亦叔父之所惡也與之陽樊溫

原攢茅之田晉於是始啓南陽

四邑在晉山南陽河北故曰南陽

樊不服圍之蒼葛呼曰

陽樊邑人

德以柔中國刑以威

四夷宜吾不敢服也此誰非王之親姻其俘之也

乃出其民

丁酉文三年

○夏五月王子虎卒

夏四月乙亥王叔文公卒

文謚即虎

來赴弔如同盟

子王

虎會踐土又盟翟禮也

壬寅文八年

○秋八月戊申天王崩

秋襄王崩

頃王

名壬臣襄王子文九年即位十四年崩在位六年謚法敏以敬慎曰頃

癸卯文

九年春毛伯來求金○二月叔孫得臣如京師

辛丑葬襄王

毛伯衛來求金

周大夫

非禮也不書王命未葬也

天子

在諒陰未君

二月莊叔如周葬襄王

○公羊曰毛伯者何天子之大夫也何以不稱使當喪未君也踰年矣何以謂之未君即位矣而未稱王也未稱王何以知其即位以諸侯之踰年即位亦知天子之踰年即位也以天子三年然後稱

王亦知諸侯於其封內三年稱子也。各信恩踰年于其下

稱公矣。則曷為於其封內三年稱子。緣民臣之心

不可一日無君。緣終始之義。一年不二君。不可曠

年無君。故踰年緣孝子之心。則三年不忍當也。故

年稱毛伯來求金。何以書。譏何譏爾。王者無求。求

金。非禮也。然則是王者與。括未曰。非也。非王者則

曷為謂之王者。王者無求。曰。是子也。繼文王之體。

守文王之法度。文王之法。無求而求。故譏之也。文引

王者文王始受命制法度

甲辰文○及蘇子盟于女栗。不書公諱與王臣盟也

十年

秋七月及蘇子盟于女栗。頃王立故也。

蘇子周卿士王新立

故與魯盟親諸侯僖十年蘇子奔衛今復見蓋王復之

戊申十四年春頃王崩。周公閱與王孫蘇爭政。故

不赴。凡崩薨不赴則不書。禍福不告亦不書。微不

敬也。○周公將與王孫蘇訟于晉。王叛王孫蘇而

使尹氏與聃啓訟周公于晉。尹氏周卿士聃啓趙

宣子平王室而復之。

匡王

名班頃王子文十五年即位宣二年崩在位六年諡法真心大度曰匡

辛亥文秋周甘獸。周大敗戎于邲垂。邲音沈邲垂

城縣北乘其飲酒也。

甲寅宣
二年
○冬十月乙亥天王崩

定王名瑜匡王弟宣三年即位成五年崩在位一十一年諡法安民大慮曰定

乙卯宣
三年
○葬匡王楚子伐陸渾之戎作貢

楚子伐陸渾之戎僖二十二年秦晉遷伊川者遂至于雒觀兵

於周疆定王使王孫滿勞楚子滿周大夫楚子問鼎之

大小輕重焉示欲僭周取天下對曰在德不在鼎昔夏之

方有德也遠方圖物遠方盡川澤山林之怪物獻之貢金九牧鑄

鼎象物使九州牧貢金鑄鼎象所圖物百物而爲之備使民知神

姦故民入川澤山林不逢不若若順也螭魅罔兩莫

能逢之螭山神獸形魅老怪物魯語仲尼曰木石之怪夔罔兩用能協于上

下以承天休

民無災害則上

桀有昏德罪遷于南

載祀六百

載祀皆年也商曰祀唐虞曰載周曰年夏曰歲

商紂暴虐罪遷

於周德之休明雖小重也

不可遷

其姦回昏亂雖大

輕也

言可移

天祚明德有所底止成王定鼎于郊鄴

即王城武王遷之成王定之

卜世三十卜年七百天所命也周

德雖衰天命未改鼎之輕重未可問也

戊午宣六年

夏定王使子服求后于齊

子服周大夫 ○冬召

桓公逆王后于齊

桓公周卿士

丁卯宣十五年

○王孔子殺召伯毛伯

杜云孔子王子札也經書同札字不知何

子王

王孫蘇與召氏毛氏爭政

皆卿士

使王子捷殺召氏

公及毛伯衛

捷即子扎公執云定王庶兄

卒立召襄

戴公之子

○穀梁曰王扎子者當上之辭也

矯王命書名於子

上若王

殺召伯毛伯不言其何也兩下相殺也兩

下相殺不志乎春秋此其志何也矯王命以殺之

非忿怒相殺也故曰以王命殺也以王命殺則何

志焉為天下主者天也繼天者君也君之所存者

命也為人臣而侵其君之命而用之是不臣也為

人君而失其命是不君也君不君臣不臣此天下

所以傾也

戊辰宣
十六年

夏成周宣榭火。

夏成周宣榭火

成周東都洛陽也宣榭宣王廟也榭者射堂之制其堂無屋以便射

事謂之宣榭者其廟制如榭也或云宣王會諸侯講武於東都因立廟祀之

人火之也

凡火人火曰火天火曰災○爲毛召之難故王室

復亂王孫蘇奔晉

景

晉人復之冬晉侯使士會平

王室定王享之原襄公相禮

伯賁之子莊公之孫周大夫

殺烝

殺切肉可食也烝升也非殺于祖

武子私問其故

怪其享不體薦

王聞之

召武子曰季氏而弗聞乎

季士會字

王享有體薦

享則半解

其體而薦之不

宴有折俎

宴則體解節折升之於俎物皆可食以示慈惠

公當享卿當宴王室之禮也

公謂諸侯言會乃武卿雖享亦用宴禮

子歸而講求典禮以脩晉國之法

辛未成元年

○秋王師敗績于茅戎

戎之別種也不言戰王者至尊天下莫之

得校故以自敗為文不書敗地而書茅戎明為茅戎所敗

元年春晉侯

景

使瑕嘉平戎于王

晉詹嘉處瑕故云瑕

單襄

公如晉拜成

單伯後周卿士

劉康公徵戎將遂伐之

即王季子

劉定公父戎平還欲要其無備

叔服曰

周內史

背盟而欺大國此必

敗背盟不祥欺大國不義神人弗助將何以勝不

聽遂伐茅戎三月癸未敗績于徐吾氏

茅戎別地

○秋

王人來告敗

壬申成二年

晉侯使鞏朔

晉大夫

獻齊捷于周

鞏之役

王弗

見使單襄公辭焉。曰：蠻夷戎狄不式王命，淫涵毀

常。王命伐之，則有獻捷。王親受而勞之，所以懲不

敬，勸有功也。兄弟甥舅，兄弟同姓諸侯侵敗王畧。

王命伐之，告事而已，不獻其功，所以敬親。唯禁淫

慝也。敬親，唯指所伐國言。禁淫，愚指伐國之人言。謂濫取俘囚也。今叔父克遂

有功于齊，克，能也。而不使命卿鎮撫王室，大國二卿天子所命

所使來撫余一人，而鞏伯實來，未有職司於王室。

朔上軍大夫非命卿又奸先王之禮，謂獻齊捷余雖欲於鞏伯，欲

其其敢廢舊典以忝叔父。夫齊甥舅之國也，而大

師之後也，寧不亦淫從其欲以怒叔父？從去聲抑豈

不可諫誨士莊伯不能對

即鞏

王使委於三吏

三即

公三公天禮之如侯伯克敵使大夫告慶之禮降

於卿禮一等主以鞏伯宴而私賄之使相告之

未相

禮佐功

曰非禮也勿籍

籍謂書於史冊

乙亥戌

○冬十有一月己酉天王崩

不書葬罪諸侯不會也

十一月己酉定王崩

簡王

名夷定王于成六年即位襄元年崩在位十四年證法一德不解曰簡

辛酉戌周公楚惡惠襄之偏也

周公楚天子三公惡惠王襄王族偏

害且與伯輿爭政

伯輿周

不勝怒而出及陽樊

晉地

王使劉子復之盟于鄆而入三日復出奔晉

鄆周邑

○晉卻至與周爭儋田

儋音侯溫別邑在河內懷縣西南有儋人亭

王

命劉康公單襄公訟諸晉。卻至曰：溫吾故也，故不

敢失。

言溫卻氏舊邑

劉子單子曰：昔周克商，使諸侯撫封

撫有其地蘇忿生以溫為司寇。

忿生受溫邑為武王司寇

與檀伯

達封于河。

與檀伯達俱封於河內

蘇氏即狄，又不能於狄而

奔衛。

在信十年

襄王勞文公而賜之溫。

信二十年

狐氏陽

氏先處之，而後及子。

狐漆陽處父先食溫邑

若治其故，則王

官之邑也。子安得之？晉侯使卻至勿敢爭。

傳言卻至貪所

以亡

壬午十有三年春，周公出奔晉。

十二年春王使以周公之難來告書曰周公出奔

晉凡自周無出天下皆王土故無出周公自出故也周公為王所復

而自絕於周故書出罪之

已丑襄元年○九月辛酉天王崩

庚寅二年春王正月葬簡王五月而葬

靈王名泄心簡王子襄二年即位二十八年崩在位二十七年謚法極知鬼事曰靈不勤

成名曰靈蓋以其生有異甚神聖也

癸巳襄五年王使王叔陳生愬戎于晉晉人執之士魴

如京師言王叔之貳於戎也王叔反有貳心于戎失奉使之義

已卯襄十年王叔陳生與伯輿爭政皆卿王右伯輿助右

也王叔陳生怒而出奔及河欲奔王復之殺史狡

以說焉不入遂處之居于河晉侯使士句平王室王

叔與伯輿訟焉王叔之宰與伯輿之大夫瑕禽坐

獄於王庭周禮命夫命婦不躬坐獄訟故使宰與大夫訟曲直士句聽之王

叔之宰曰篳門閨竇之人而皆陵其上其難為上

矣篳門柴門閨竇穿壁為小戶上銳下方狀如圭也言伯輿微賤之家瑕禽曰昔平

王東遷吾七姓從王牲用備具王賴之而賜之駢

旄之盟曰世世無失職平王東遷大臣從者有七姓伯輿之祖為王備犧牲

共祭祀王賴其用故與之盟使若篳門閨竇其能

來東底乎底至也且王何賴焉今自王叔之相也

政以賄成

言隨財制政此言賞不當

而刑放於寵

放上聲依也視寵臣之厚

薄以加刑此言罰不當

官之師旅不勝其富

師正也謂官之長旅衆也謂佐

威吾能無箠門閭竇乎唯大國圖之下而無直則

何謂正矣

傳云正直為正若下之直不能正豈得為正哉

范宣子曰天子

所右寡君亦右之所左亦左之使王叔氏與伯與

合要王叔氏不能舉其契

要音腰周禮卿士辨其獄訟異其死刑之罪而

要之註謂為其罪法之要辭如今之劾也疏云使其各為要約言語兩相辨答伯與辭直王叔無以

應之故不能舉其要契之辭也王叔奔晉不書不告也單靖公為

卿士以相王室

單頃公之子襄公之孫

庚子癸亥靈王求后于齊齊侯問對於晏桓子名弱

要嬰父問對桓子對曰先王之禮辭有之制禮之王使之辭命也

天子求后於諸侯諸侯對曰夫婦所生若而人而若

如此也不敢娶亦不敢毀妾婦之子若而人言非適也無女而有姊

妹及姑姊妹則曰先守某公之遺女若而人古人

謂父之弟為姑姊父之妹為姑姊後人從省但謂之姑齊侯許昏王使陰里

結之陰里周大夫結成也

癸卯襄十五年○劉夏逆王后于齊

官師從單靖公逆王后于齊中士下士為官師卿即劉夏非卿也卿

不行非禮也天子不親迎卿往逆公監之以士逆后故曰非禮

○公羊曰劉夏者何天子之大夫也劉者何邑也

其稱劉何。以邑氏也。外逆女不書。此何以書。過我也。

丙辰襄二癸巳天王崩。未來赴亦未書。禮也。實十月

癸巳

○十有二月甲寅。天王崩。不書葬諸侯不會也

王人來告喪。問崩日。以甲寅告。故書之以徵過也。

徵明也一作懲

丁巳襄二葬靈王。鄭上卿有事。時簡公在楚子展使印

段往。段公子印孫伯有曰。弱不可。謂官卑也傳曰子展

曰。與其莫往。弱不猶愈乎。詩云。王事靡盬。不遑啓

處東西南北誰敢寧處堅事晉楚以蕃王室也

詩小

雅四牡篇靡盬不堅固也落跪處居也引詩言王

事不堅固故不假安今鄭上卿在四方不寧處事

周

景王

名貴靈王子襄二十九年即位昭二十二年崩在位二十五年謚法布義行剛曰景

戊年襄三十年

○天王殺其弟佖夫王子瑕奔晉

瑕景王之弟也稱弟

以惡王殘骨肉

初王儋季卒

儋丁甘反靈王弟

其子括將見王而嘆

除服將見

靈王入單公子愆期為靈王御士過諸廷聞其嘆

而言曰嗚呼必有此夫

儋括言必得朝廷權

入以告王且曰

必殺之不感而願大視躁而足高心在他矣不殺

必害感憂感喪也願大指必有此也躁急王曰童

子何知及靈王崩僭括欲立王子佞夫靈王子景王弟佞

夫弗知戊子僭括圍為逐成成愆為成愆奔平

時周邑名五月癸巳尹言多劉毅單蔑其過鞏成五

皆周大夫殺佞夫括瑕廖奔晉鞏即王子鞏與廖書曰

天王殺其弟佞夫罪在王也

丙寅昭單獻公棄親用羈獻公靖公子頃公孫冬

十月辛酉襄頃之族殺獻公而立成公獻公

戊辰昭周甘人周甘邑大與晉閻嘉爭閻田嘉晉

夫大晉梁丙張趯率陰戎伐潁陰戎即陸渾王使詹

桓伯辭於晉桓伯周大夫曰我自夏以后稷魏駘芮岐

畢吾西土也魏河東河北縣也在駘東六百餘里

馮翊縣晉縣芮鄉是也在魏西南百餘里岐在扶

風美陽縣西北在駘西北無百里即鳳翔府岐山

也畢長安縣西北有杜山一及武王克商蒲姑商奄

吾東土也樂安博昌縣北有蒲姑城在齊城商奄

兗州有奄城魯地皆夏諸侯國濱東海

若巴濮楚鄧吾南土也江陵縣也鄧長陽縣也

建寧郡南有濮夷地肅慎燕亳吾北土也肅慎北夷在玄菟

鴻州新縣亳縣云吾何邇邇之有文武成康之建

母弟以蕃屏周亦其廢隊是為廢陸凡弟國當救

濟豈如弁髦而因以敝之

記始冠而細布冠自諸侯下建冠而敝之可也則

弁謂細布冠髦謂童子垂髦九加冠禮先用細布冠歟若垂髦三加之後去細布冠不復更用如周

封建晉之使晉即棄之不復用也或以弁髦為兩髦事觀者觀之則不髦如文武成康後而即棄周

也先王居禱机于四裔以禦魑魅故允姓之姦居

于瓜州

言機机舉四函之一允姓陰戎祖與三苗俱牧三危者瓜州在燉煌郡

伯父

惠公歸自秦而誘以來

僖十五年晉惠公自秦歸二十二年秦晉遷陸渾之

戎於伊川使偪我諸姬入我郊甸則戎焉取之

邑外為郊郊外

鳥甸若非晉誘則戎安取此地

戎有中國誰之咎也后稷封殖天

下今我制之不亦難乎伯父圖之我在伯父猶衣

服之有冠冕水木之有本原民人之有謀主也

謀主

謂宗族之師長凡事皆稟之不敢自專也伯父若裂冠毀冕拔本塞原

事棄謀主雖戎狄其何有余一人晉尚如此况戎乎叔向

謂宣子曰文之伯也豈能改物翼戴天子而加之

以共翼佐戴奉共敬也自文以來世有衰德而暴滅宗周

以宣示其侈諸侯之貳不亦宜乎且王辭直子其

圖之宣子說王有姻喪外親喪使趙成如周弔且致

閭田與櫨反致所爭田及送死穎俘櫨衣反穎所俘獲王亦使賓滑

執其大夫襄以說於晉晉人禮而歸之賈滑周大夫

庚午昭單子會韓宣子于戚即單成公時晉會視諸侯于戚慈救蔡示

下言徐叔向曰單子其將死乎朝有著定著定謂朝內列

位佇立定處也會有表野會則設表為位亦有定處也衣有

檜檜音會也帶有結結大帶會朝之言必聞于表

著之位所以昭事序也言不徐欲共聞所以明行事之次序視不過

結檜之中所以道容貌也視不下在二者中所以道行事之威儀言

以命之容貌以明之失則有關今單子為王官伯

而命事於會伯長也視不登帶言不過步貌不道容

貌容容止貌面貌指視下而言不昭矣指言除不道不共貌正共不

昭不從言順無守氣矣守氣守身之氣也○十二月單成

公卒。

辛未昭周原伯綏綏原襄公孫伯賈曾孫厯其輿臣使曹逃

十二年

皆不群也雷用表臣冬十月壬申朔原輿人逐絞而

立公子跪尋

絞之弟

絞奔郊

周邑

簡公無子立其弟

過

簡公其景公子周卿士過即悼公

過將去成景之族

成公景公過先君

成景之族賂劉獻公

定公夏之子周卿士

丙申殺其悼公而

立成公之孫鮒

鮒音秋即平公

丁酉殺獻太子之傅康

之子過

劉獻公太子之傅名康皮其子康過乃悼公黨

殺瑕辛于市

悼及宮嬖綽王孫沒劉州鳩陰忌老陽子

五子皆悼公黨

甲戌昭十五年

六月己丑王太子壽卒

景王

秋八月戊寅

王穆后崩

太子壽之母

○十二月晉荀躒如周葬穆后

籍談為介既葬除喪以文伯宴

即荀躒

樽以魯壹

獻王曰伯氏稱文伯諸侯皆有以鎮撫王室晉獨無

有何也文伯揖籍談伯無辭揖籍談使對對曰諸侯之封也

皆受明器于王室明德之器以鎮撫其社稷故能薦彝

器於王薦獻也彝常也謂宗廟常器晉居深山戎狄之與鄰而

遠於王室王靈不及拜戎不暇言為戎侵伐拜謝不暇其何

以獻器王曰叔氏而忘諸乎叔籍談字而汝也叔父唐叔

成王之母弟也其反無分乎唐叔晉始封君分器也密須之

鼓與其大路文所以大蒐也大路車也密須姑姓國在安定陰密縣文

王伐之得其鼓車以蒐闕鞏之甲武所以克商也闕鞏亦國名甲鐵甲

唐叔受之以處參虛參虛實沈之次晉分野也匡有戎狄匡正也

其後襄之二路。襄王賜晉文大路戎路鉞鉞拒也。鉞斧也鉞方空斧也

拒黑黍也彤弓虎賁文公受之以有南陽之田撫

征東夏。東夏東方之諸侯非分而何夫有勲而不

廢。不廢謂賞賜其功也有績而載。載謂書于策也奉之以土田。有南陽

撫之以彝器。弓鉞之屬旌之以車服。襄之二路明之以文章。

旌子孫不忘所謂福也。福祚之不登叔父焉在。叔父

謂晉侯言福祚在晉也且昔而高祖孫伯鸞司晉之典籍以

為大政。孫伯鸞晉正卿談九世祖故曰籍氏。以官為氏及辛有之二

子董之。周人辛有之二子適晉為大史籍鸞與之共董晉晉與籍晉於是乎有

董史。亦以官為董氏董孤其後也女司典之後也何故忘之籍

左傳周卷之十 宣王十一年

談不能對賓出王曰籍父其無後乎數典而忘其

祖

亡祖棄定十一年晉獲談之子籍秦駁果無後

籍談歸以告叔向叔向

曰王其不終乎吾聞之所樂必卒焉今王樂憂若

卒以憂不可謂終

不終謂不得其終也人之所欲天必從之故所樂者必卒於此

今王樂好在於憂若卒以憂是不能盡其正命故不可謂善終也

王一歲而有三

年之喪二焉

后與大子也天子絕期唯服三年故后雖期通謂之三年於是乎

以喪賓宴又求彝器

以弔喪賓共宴樂又求賁物

樂憂其奚此

上皆論王所以不終

且非禮也彝器之來嘉功之由非由喪

也

諸侯有功故作彝器獻王非由弔喪來獻此言求彝器為非禮

三年之喪雖貴

遂服禮也王雖弗遂宴樂以早亦非禮也

遂終事而成之

也古者三年之喪達乎天子是乃正禮春秋之時既葬卒哭則除服王雖不能行三年喪如古禮然亦不當宴樂在未卒哭前謂之亦非禮者承禮王上文求昇器而言此言以喪賓宴為非禮

之大經也一動而失二禮無大經矣以喪賓宴又求昇器杜以

既不遂服又設宴樂非也言以考典考成也典以志經志記也忘經

而多言舉典將焉用之此以上皆論王所以為非禮且失禮之罪大而不當

屑屑於末也

丁丑十八年春王二月乙卯周毛得殺毛伯過而

代之過毛伯衛之後為大夫得過之族萇弘曰毛得必亡是昆吾

稔之日也侈故之以而毛得以濟侈於王都不亡

何待昆吾已姓夏諸侯其國在濮陽縣稔熟也乙卯是昆吾助夏積稔惡與夏同亡之日其亡

以係之故今得殺人奪位○秋葬曹平公時三往

者見周原伯魯焉往者魯會曹葬之人也與之語

不說學說音悅歸以語閔子馬魯人歸以閔子馬曰

周其亂乎夫必多有是說而後及其大人大人患

失而惑又曰可以無學無學不害不害而不學則

苟而可於是乎卞陵上替能無亂乎國內言不學

傳及在位大人大人患失位詭隨衆亦惑於此又

以不害而遂不學則一國之人凡事皆不求義理

下其亂必矣夫學殖也不學將落原氏其亡乎殖生殖

能立身如物之生殖不學則凋悴而落矣

庚辰二十一年春天王將鑄無射鍾名律中冷州

鳩曰冷樂官王其以心疾死乎夫樂天子之職也

夫音樂之興也有音然後相和成而鍾音之器也

有鍾然後考擊成聲故為音之器用天子省風以作樂省風俗作樂以移之器

以鍾之謂聚也即上鍾字意興以行之行有所往也如音皆

黃鍾然後成黃鍾樂小者不窳狹細也大者不撝撝音盡也則和

於物物和則嘉成杜云嘉樂告成今按樂大小適均則與物相得而和洽物知則

遂其性嘉美生故和聲入於耳而藏於心心億則

樂心與相安則樂窳則不咸聲小則入撝則不

即物相和嘉成意心是以感是以不相感實生疾今鍾

聲大則人心是以感感實生疾今鍾

矣王心弗堪其能又乎

辛巳昭二
十二年

○夏四月乙丑天王崩

王子朝賓起有寵於景王

子朝景王長庶子起即孟乃朝之傳

王與

賓孟說之欲立之

杜云王語賓孟欲立子朝為大子

劉獻公之庶

子伯蚩事單穆公

伯蚩劉狄也單穆公單旗也

惡賓孟之為人

也願殺之

欲殺賓孟

又惡王子朝之言以為亂願去之

欲去子朝使下立

賓孟適郊見雉鷄自斷其尾問之侍者

曰自憚其犧也

畏其為犧牲自殘毀其形

遽歸告王且曰鷄其

憚為人用手人異於是犧者實用人人犧實難已

犧何害

犧者祭廟宰祀擇羽毛完具而預寵養之以為牲也言鷄為牲黃龍不當憚但終為

人用而殺之故耳人則異於鷄蓋人為犧實能殺人而不為人用立世子冕服他日承宗廟如頂養犧而他日為宗廟牲也人犧他人為犧也已犧自己為犧也言犧當已為不可使他人為喻于朝欲為世子王當立之不

可使單劉別立君也

王弗應夏四月王田北山

田獵也北山洛北芒也

使公卿皆從將殺單子劉子主有心

疾乙丑崩于榮錡氏

有榮錡氏河南鞏縣西

無子單子立劉蚩

金事單子故

五月庚辰見王

王即子

葬卒猛次正王命代之故後傳云于景之命後王愛朝欲廢猛立朝未成而王卒單劉以猛次正故立之但不知猛是大子壽之母弟或是穆太姪姊之子或母貴也後云穆右大子壽早夭即世則非

矣

遂攻賓起殺之

起

盟群王子于單氏

景王

欲廢

王

六月叔鞅如京師葬景王。王室亂。劉子單子以王猛

居于皇秋。劉子單子以王猛入于王城。冬十月王子

猛卒。主城郊。郛也。猛生則書王明。實為嗣死。乃稱子正。未喻年未成。天子之至尊。

丁巳葬景王。王子朝因舊官百工之喪職秩者與

靈景之族以作亂。百工百官也。帥郊要餞之甲。三邑名。要音腰。

以逐劉子。即伯公。壬戌劉子奔揚。周邑名。單子逆悼王

于莊宮以歸。悼王即子猛。單穆公恐不利。故迎王於莊王廟以歸家。王子還

夜取王以如莊宮。還子朝黨不欲使單子得王。癸亥單子出。失王。

故出奔。王子還與召莊公謀。莊公即召伯。真朝黨也。曰不殺單

無不捷。與之重盟必來。背盟而克者多矣。從之。

蘇

樊頃子曰

頃音傾一作頃即樊齊單劉黨

非言也必不克遂奉

王以追單子

還遂奉王

及領大盟而復

領周地重

復殺摯荒以說

委罪於荒

劉子如劉單子亡乙丑奔于

平時

時單子已還見劉子如采邑不還知齊

群王

子追之單子殺還姑發弱駮延定稠

八子靈景族子朝黨

子

朝奔京

即京索在開封

丙寅伐之京人奔山

奔山以自保

劉子

入于王城

即王都時子朝奔京故得入

辛未鞏簡公敗績于京

簡公周卿士

乙亥甘平公亦敗焉

甘昭公之子周卿士

叔鞅至自

京師言王室之亂也閔馬父曰子朝必不克其所

與者天所廢也

群喪職秩人

單子欲告急于晉

頃秋七

月戊寅以王如平時

杜云戊寅七月三日經書六月誤也

遂如圃車

次于皇

鞏縣西北有黃亭皇水

劉子如劉單子使王子處守

于王城

王子處猛之黨守王城推莽朝

盟百工于平宮

平王始東遷居王城

故廟在

辛卯鄆勝伐皇

鄆音尋勝子朝庶伐王所在

大敗獲鄆勝

壬辰焚諸王城之市八月辛酉司徒醜以王師敗

績于前城

醜悼王司徒前城子朝所得邑

百工叛

以醜敗故

己巳伐單

氏之宮敗焉

百工伐單氏所敗為單氏所敗

庚午反伐之辛未伐東

圍

單因百工敗反伐之洛陽東南有圍御百工所居邑也

冬十月丁巳晉籍

談荀躒帥九州之戎

杜云九州戎即陸渾戎也十七年滅蜀晉州卿蜀也五州

及焦瑕溫原之師

晉四邑

以納王于王城庚申單

子劉蚩以王師敗績于郊郊子朝邑前城人敗陸渾于

社社周地前城人子朝衆也十一月乙酉王子猛卒乙酉在十月經書

十月誤周人謚為悼王不成喪也未踰年未成天子故不書王崩己丑敬王

即位名旬猛館于子旅氏周大夫十二月庚戌晉籍

談荀躒賈辛司馬督帥師軍于陰籍諒于侯氏荀

軍于谿泉賈辛軍鞏縣西南有明谿泉次于社司馬督王師軍

于汜汜音九周邑于解雒陽西南有大解小解次于任人亦周邑王師分

在此閏月晉箕遺樂徵右行詭濟師取前城軍其

東南三子晉大夫濟師渡伊洛軍前城東南今按傳曰必濟師謂益師以遂其事也王師

軍于京楚辛丑伐京毀其西南時子朝在京

卷之六 宣公六年 日十六

敬王

名句景王子王猛母弟昭二十二年景王卒子猛繼立卒昭二十三年即位哀十九

年崩在位四十四年
謚法夙夜警戒曰敬

壬午昭二

○晉人圍郊○天王居于狄泉尹氏立王

子朝

狄泉在洛陽城內大倉西南池水也時在城外定元年城成周方在內立者不宜立也且自尹

氏明非周人所欲也

八月乙未地震

二十三年春王正月壬寅朔二師圍郊癸卯郊鄆

潰

二師王師晉師鄆河南鞏縣西南有地名鄆中郊鄆二邑皆子朝所得丁未晉師

在平陰

平陰即河陰縣在開封

王師在澤邑王使告間庚戌

還

時子朝敗故王請晉問息故晉師還

○夏四月乙酉單子取訾

資蜀子朝邑在河南鞏縣西南劉子取牆人直人

亦屬子朝二邑六月壬

午。王子朝入于尹。自京入尹氏邑癸未，尹圉誘劉佗殺之。

圉即尹文公誘劉金族殺之

丙戌，單子從阪道，劉子從尹道伐

尹。單子先至而敗劉子，還已丑，召伯與南宮極以

成周人戍尹。

泉即召莊公皆周卿士子朝黨

庚寅，單子、劉子焚齊

以王如劉。

避子朝自王城出居劉子也

甲午，王子朝入于王城。

次于左巷。

近東城

秋七月戊申，鄆羅納諸莊宮。

羅鄆之

子尹辛敗劉師于唐。

尹辛尹氏族唐周地

丙辰，又敗諸鄆。甲

子尹辛取西闕。

周地

丙寅，攻蒯、蒯潰。

河南縣西南蒯都是也於是敬

王居狄泉尹氏立子朝

○八月丁酉，南宮極震。

杜云經書乙未地震魯地

也丁酉南宮極震周地亦震也為皆半壓而死

長弘謂劉文公曰：君其勉。

之先君之力可濟也。

文公劉蚩也先君謂蚩之父獻公也。

周之亡也。

其三川震。

三川涇渭洛也謂幽王時。

今西王之大臣亦震。

子朝在王。

城為西王。

天棄之矣。東主必大克。

敬王在成周即狄泉在王城東為東王。

昭祭未。

二十四年春王正月辛丑召簡公。

召莊公子召伯盈也。

南宮嚚。

南宮極之子。

以耳桓公。

耳平公之子。

見王子朝劉子。

謂長弘曰。耳氏又往矣。對曰。何害。同德度義。

度量度也。

德行道而有得於心也義宜也制事達時之道也書泰誓篇文言彼此同德則事合宜者勝子朝既

無德多人何足患哉。

大誓曰。紂有億兆夷人亦有離德。余有

亂臣十人。同心同德。此周所以興也。

夷平也夷人言其知識不

相上下也亂臣治臣也言紂雖衆無德武王雖寡有德此商所以亡周所以興也今書作受有億兆

夷人同心同德君其務德無患無人戊午王子朝入于鄆

在開封西南杜云○三月庚戌晉侯使士景伯泣

問周故士伯立於乾祭而問於介衆乾祭王城北

於王城北門而問大衆晉人乃辭王子朝不納其使衆言子

○六月壬申王子朝之師攻瑕及否皆潰皆敬鄭

伯如晉鄭定公子大叔相相也見范獻子獻子曰

若王室何對曰老夫其國家不能恤敢及王室抑

人亦有言曰嫫不恤其緯而憂宗周之隕爲將及

焉嫫寡婦織爲業者不受緯之少今王室實蠢蠢

焉貌擾動吾小國懼矣然大國之憂也吾儕何知焉

吾子其早圖之

言王室亂鄭雖如螻蟻懼禍及已然國小位卑此乃晉盟主之事非已

取與知而獻子所當謀也

詩曰餅之罄矣惟墨之恥王室之不

寧晉之恥也

小雅蒙義篇餅小量也皆酒器類貢於墨若瓶罄盡是墨為無餘故恥之

獻子懼而與宣子圖之乃微會於諸侯期以明年

○冬十月癸酉王子朝用成周之寶珪于河甲戌

津人得諸河上

神不陰不佞以溫人南侵不佞敬受故

時王在東故南侵王子朝

拘得王者取其王將賣之則為石王

定獻之與之東營

及敬王定位又成王不佞獻之王與之也鞏縣西南營城是也

甲申昭二十五年

○夏叔詣會晉

項趙鞅宋元

樂大心衛靈

北宮喜鄭

定游吉曹悼

人邾

莊人滕悼

人薛獻人小

邾穆人于黃父父音府大心公作世心

夏會于黃父即黑壤謀王室也趙簡子令諸侯之

大夫輸王粟具成人曰明年將納王子大叔見趙

簡子簡子問揖讓周旋之禮焉對曰是儀也非禮

也簡子曰敢問何謂禮對曰吉也聞諸先大夫子

產曰夫禮天之經也經者經緯之經縱橫成物也

或以為常地之義也義者宜也等差不同也地民

之行也行者人所履天地之經而民實則之言人

天地言經不則天之明明易見顯明也法因地之

性性一定之理也因其義有一定之理此言禮乃

天地人之經義行而人實能盡天地經義以為

行也 **生其六氣** 生有物為根而生之也 **用其五行** 以

之見於用也五行 **氣為五味** 酸氣薰蒸也五味 **發為**

五色 發有形可見也五色青黃赤白黑也 **章為五聲** 章有聲可聞也

也 **淫則昏亂民失其性** **是故為禮以奉之** 此言天

地之六氣五行五味五色五聲各有節文人若過

之則昏迷亂或失其性故聖人制為禮有儀則以

奉承天地不使過其度禮 **為六畜五牲三犧以奉**

五味 六畜馬牛羊雞犬豕也五牲麋鹿麋狼兔也

之曰牲羽毛 **為九文六采五章以奉五色** 九文即

完具曰犧 **為九歌八風七音六律以奉五聲** 九歌

蟲藻火粉米黼黻六采天地四方之色青白赤黑

玄黃也五章青赤之文赤白之章白黑之黼黑青

之黻五色 **為九歌八風七音六律以奉五聲** 六府

三事也八風八方之風也七音宮商角徵羽變宮

變徵也六律黃鍾大族姑洗蕤賓夷則無射仲呂

林鍾大呂夾鍾為君臣上下以則地義截然等秩

有不可移故曰則地為夫婦外內以經二物法也

義此解上因地性意為夫婦外內以經二物法也

夫外婦內經其陰陽此解為父子兄弟姊妹舅

上天地經而民則之意為父子兄弟姊妹舅

昏媾姻亞以象天明父姊妹曰姑女兄曰姊姊妹

父曰昏重昏曰媾婿父曰姻兩婿相謂曰亞九族

親疎自然條理有不可誣故曰象天明此解上則

意天明為政事庸力行務以從四時為刑罰威獄使

民畏忌以類其震曜殺戮為溫慈惠和以效天之

生殖長育政大體事條目民功曰庸治功曰力行

之分者威可畏也獄罪人也震雷曜電也殺戮謂

霜雪也此自從秋冬言溫慈所以效生殖惠和所

以教長育此自從春夏
言此解上用其五行意民有好惡喜怒哀樂生于

六氣是故審則宜類以制六志
賦則物則之則自稟

白應接言審察六志法則使與事得宜而無過不
及之差以節制六志即為禮奉六氣也下列其目

哀有哭泣樂有歌舞喜有施舍怒有戰鬪喜生於

好怒生於惡是故審行信令禍福賞罰以制死生

生好物也死惡物也
哀大聲曰哭細聲有涕曰泣歌發於聲舞動於形施與所

當與也舍免所應免也皆陳曰戰力爭曰鬪此即
制禮審則宜類以制喜怒哀樂行施為也令號令

也審則不差信則不易禍福賞罰即所行所令事
言喜怒哀樂生于好惡行令四者以制死生然生即好

物死即惡物是即制好惡也此
言制禮審則宜類以制好惡好物樂也惡物哀

也哀樂不失乃能協于天地之性是以長久
上言六志

喜怒哀樂生於好物生死乃好惡物未言哀樂故此論
生死為哀樂則生死通六志言也若哀樂不失則
類乃能和協於天地陰陽風雨晦明之六氣與天
地流通不生疾而悠久自民有奸惡至此皆釋上

文生其六氣意簡子曰甚哉禮之大也對曰禮上下之紀

天地之經緯也民之所以生也經緯錯綜以相成者是以先

王尚之故人之能自曲直以赴禮者謂之成人直曲

謂推大過稱不足也大不亦宜乎簡子曰鞅也請終身守此

言也宋樂大心曰我不輸粟我於周為客若之何

使客二王後為賓客晉士伯曰即士彌年自踐土以來在僖二十八年

宋何役之不會而何盟之不同曰同恤王室子焉

得辟之子奉君命以會大事而宋背盟無乃不可

乎右師不敢對受牒而退右師樂大心也牒入士

伯告簡子曰宋右師必亡奉君命以使而欲背盟

以干盟主無不祥大焉言不善無大此者定○壬

申尹文公涉于鞏焚東訾弗克涉涉洛水也鞏縣

邑

乙酉昭二四月單子如晉告急五月戊午劉人敗

王城之師于尸氏敬王在劉邑子朝在王城劉人

二十里戊辰王城人劉人戰于施谷周地劉師敗績

○七月己巳劉子以王出去劉庚午次于渠周地

王城人焚劉丙午王宿于楮氏維陽縣南丁丑王

次于桂谷

桂音九周邑本

庚辰王入于胥靡

周邑本鄭邑

辛巳

王次于滑

周邑本鄭邑

晉知轅趙鞅帥師納王使汝寬

守闕塞

女寬晉大夫闕塞洛陽西南伊闕口也守以備子朝

○冬十月天王入于成周尹氏召伯毛伯以王子朝

奔楚

冬十月丙申王起師于滑辛丑在郊

郊子朝邑

遂次于

尸

尸即尸氏

十一月辛酉晉師克鞏召伯盈逐王子朝

盈本子朝黨見敗故逐之以逆敬王

王子朝及召氏之族毛伯得尹

氏固南宮嚭奉周之典籍以奔楚陰忌奔莒以叛

忌子朝黨以周莒邑叛

召伯逆王于尸

即召伯盈

及劉子單子盟

遂軍圍澤周地次于隄上周地癸酉王入于成周今洛陽

甲戌盟于襄宮在成周晉師使成公般戍周而還成公

般晉大夫十二月癸未王入于莊宮在王城王子朝

使告于諸侯曰昔武王克殷成王靖四方康王息

民並建母弟以蕃屏周亦曰吾無專享文武之功

且為後人之迷敗顛覆而溺入于難則振救之言三

王連母弟為諸侯以蕃衛屏蔽周亦曰使共享文

武土地且為周之子孫存亂危亡皆溺於難者使

諸侯因振救之言此以責諸侯至于夷王厲王父王愆于厥身諸侯

莫不並走其望以祈王身愆同下愆災也言有疾

疾非望群望也言夷王至於厲王王心戾虐萬民

疾而諸侯為諸禱也

弗忍居王于彘諸侯釋位以間王政宣王有志而

後效官

庚申庚寅暴雷也弗忍不堪也言民不堪其矣雷故居之於彘諸侯皆去國執王事

至其子宣王復位方以王事授於官而後歸國間間則之間

至于幽王天不弔

周王昏不若用愆厥位攜王奸命諸侯替之而建

王嗣用遷郊郕

幽王宣王子弔恤若順於道也愆位謂相繼之位至是變亂而為災

也攜王幽王少子伯服也王嗣宜曰也幽王后申姜生大子宜臼後寵褒姒生伯服欲立之而殺大

子大子奔申申伯與郕及西戎伐周殺王于戲諸侯褒伯服立宜臼是為平王東遷郊郕此即愆位

事汲冢書紀年云平王奔西申而立伯盤以為大子與幽王俱死于戲先是申侯魯侯及許文公立

平王於申以本大子故稱天王幽王既死而虢公翰又立王子余臣於攜周二王並立二十一年攜

王為晉文公所殺以本非適故稱攜王案此則非伯服也則是兄弟之能用力

於王室也。

三指上節

至於惠王，天不靖周，生頹禍心，施

於叔帶，惠襄辟難，越去王都，則有晉鄭咸黜不端

以綏定王家。

施去聲及也。咸皆也不端不正也。言天不靖周，生頹包藏禍心，以及叔帶。

作亂故惠王適鄭，襄王處汜以避之。鄭厲公殺子頹，納惠晉文公殺叔帶，納襄以安定王室。則

是兄弟之能率先王之命也。

先王建兄弟國，振救周難，今晉鄭定周是

能率命

在定王六年，秦人降妖，曰：周其有頹王，亦克

能脩其職，諸侯服享。二世共職，王室其有間，王位

諸侯不圖而受其亂災。

定王襄王孫定六年即魯宣公八年也。衣服歌謠草

木之怪謂之妖。頹口上鬚也。言秦地妖言曰：周有頹王，能脩君職，諸侯服從，來朝脩臣職，止二世後

有奪王位者，諸侯不謀之而受其難。本謂子朝今反以爲王猛也。

至于靈王生而

有頡王甚神聖無惡於諸侯靈王景王克終其世

今王室亂單旗劉狄剝亂天下壹行不若單旗穆公也劉

狄劉公也壹謂先王何常之有唯余心所命其誰

敢討之言二子謂古人立嗣無常惟我心所欲則命立之人必不敢非而討之也帥群

不弔之人弔恤之人也以行亂于王室謂立侵欲

無厭規求無度規取也貫瀆鬼神貫習也慢棄刑

法倍奸齊盟倍同背違也奸犯也齊傲狠威儀矯

誣先王矯詐託也誣罔也言晉為不道是攝是贊

思肆其罔極罔極無窮極也茲不穀震蕩播越

震蕩驚動也簋在荆蠻未有攸底攸所底若我一

二兄弟甥舅

兄弟同姓國甥舅異姓國

獎順天法無助狡猾以

從先王之命毋遠天罰赦圖不殺則所願也

獎勸使也

天法上下自然之禮法也狡猾指單劉先王之命即下文立長類是也速召也天罰謂前問王位亂

災之罰也赦謂寬其亂災圖謂謀其復位言諸侯不當助單劉而當立已也孔註天罰甚謬敢

盡布其腹心及先王之經而諸侯實深圖之昔先

王之命曰王后無適則擇立長年鈞以德德鈞以

卜言王后無嫡子則擇立庶子之長子若庶子年皆鈞則擇有德者立之若年鈞而德又鈞則擇

卜古者王不立愛君從是命不敢立愛子公卿無私臣從是命不敢

有私古之制也穆后及太子壽早夭即世單劉贊

私立少以間先王亦唯伯仲叔季圖之

贊成其私立庶子之

少以問先王無私擇長之命亦惟諸侯謀之也閔馬父聞子朝之辭閔馬父齊

夫曰文辭以行禮也子朝于景之命遠晉之大以

專其志無禮甚矣文辭何為

丙戌昭二十七年十二月晉籍秦致諸侯之戍于周秦籍談之

于秋晉會宋衛曹邾滕于昆令成周事見魯魯人辭以難時公遜於齊

戊子昭二十九年三月己卯京師殺召伯盈尹氏固及原

伯魯之子皆子朝黨稱原伯尹固之復也與子朝奔楚還

有婦人遇之周郊尤之尤罪也曰處則勸人為禍行

則數日而反是夫也其過三歲乎夏五月庚寅王

子趙車入于鄆以叛鄆音華周邑趙車子朝黨陰不佞敗之

辛卯昭三十二年

○冬仲孫何忌會晉韓不信齊景高張

宋景仲幾衛靈世叔申鄭獻國參曹聲人莒郊人薛

裏人杞悼人小邾人城成周公世叔穀作大叔莒人下

秋八月王使富辛與石張如晉富辛石張皆周大夫請城成

周即洛陽子朝亂餘黨多在王城敬王天子曰天

降禍于周俾我兄弟並有亂心以為伯父憂我一

二親暱甥舅同姓親暱國不皇啓處於今十年與

勤王謂二十二年國郊勤戍五年勤勞于戍守謂余一人無

日忘之閔閔焉如農夫之望歲懼以待時閔閔憂貌如農

夫憂飢望歲豐伯父若肆大惠肆展復二文之業恐懼以俟時發

晉文侯仇文公重耳弛周室之憂，徵文武之福，以固盟主。固

立堅也。盟主，勤王之善名也。宣昭令名，則余一

人有**大願**矣。昔成王合諸侯城成周，以為東都，崇

文德焉。合諸侯城成周，即召諸所謂周公乃朝用書命庶殷侯甸男邦伯是也。崇尊尚也。言

周公相成王營洛邑，以為京師之東都。崇，文教之德化四方其實周。公居洛而成王未曾留也。謂之

成周者，以周道成於此也。今我欲徵福假靈於成王脩成周之

城，俾成人無勤，諸侯用寧，螫賊遠屏，是之力也。其

委諸伯父，使伯父實重圖之，俾我一人無徵怨于

百姓。徵，召也。而伯父有榮施，先王庸之。晉有榮顯之施於周先王

之靈以范獻子謂魏獻子范鞅謂曰：與其成周不

如城之。天子實云。雖有後事。晉勿與知。可也。從王

命以紓諸侯。晉國無憂。是之不務。而又焉從事。魏

獻子曰。善。使伯音對。即韓不信曰。天子有命。敢不奉承。

以奔告於諸侯。遲速衰序。於是焉在。衰等也。遲。緩。速。急等。差大。

序皆從周命冬十一月。晉魏舒韓不信如京師。合諸侯

之大夫於狄泉。成周城內尋盟。十三華晉會諸侯於此。見晉書。且令城

成周。魏子南面。舒君位衛虓僕曰。衛大魏子必有大

咎。干位以令大事。非其任也。詩曰。敬天之怒。不敢

戲豫。敬天之渝。不敢馳驅。詩大雅板之篇。渝。變也。况敢干位

以作大事乎。己丑。士彌牟營成周。計丈數。計城周圖丈數。

掃高卑

杜云度高曰掃度城高下

度厚薄

量城內厚薄

仞溝洫

杜云

曰仞溝大血小物土方

杜云物相也相取土之方面議遠今按以物為限而分取土也

邇

議役徒之遠近

量事期

定事畢限期

計徒庸

約用人多少

慮財用

書餼糧以令役於諸侯

彌年以上數事令役於諸侯

屬役賦丈

書以授帥而效諸劉子

又屬各國所當役人數頒各國所當城丈數書以授

於諸侯大夫帥而效致於周卿士使有定法按國語劉子劉文公卷也

韓簡子臨之

以為成命

簡子泣其事一依彌年所為

士辰定元年

○三月晉人執宋仲幾于京師

元年春王正月辛巳晉魏舒合諸侯之大夫于狄

泉

在王城

將以城成周魏子泣政

代天子大夫

衛彪傒曰

衛大將建天子而易位以令。非義也。大事奸義必

有大咎。晉不失諸侯。魏子其不免乎。是行也。魏獻

子屬役於韓簡子及原壽過。簡子即不信韓起孫

以役事而田於大陸焚焉。杜云大陸禹貢在鉅鹿

託之也還卒於甯。即脩武縣范獻子去

其柏棹。去析柳以示貶以其未復命而田也。孟懿

子會城成周。庚寅哉。謂樹立宋仲幾不受功。曰。滕

薛。卿。即小邾吾役也。三國乃已役使之薛宰曰。宋為

無道。絕我小國於周。以我適楚。故我常從宋。文

公為踐去之。盟曰。凡我同盟。各復舊職。若從踐去

若從宋亦唯命仲幾曰踐土固然固曰從舊薛薛

宰曰薛之皇祖奚仲居薛以為夏章王奚仲遷于

邳皇大也奚仲始封薛為禹掌車服官改遷下邳縣仲虺居薛以為湯左

相仲虺為奚仲十二世孫為湯左相若復舊職將承王官仲虺

奉天子為王官何故以後諸侯仲幾曰三代各異物薛焉

得有舊言居周世不得為宋後亦其職也士彌牟

曰晉士景伯晉之從政者新范獻子初為政子姑受功歸吾視

諸故府事求故仲幾曰縱子忘之山川鬼神其忘諸

乎言盟誓時告于山川鬼神士伯怒謂韓簡子曰薛徵於人宋

徵於鬼宋罪大矣且已無辭而抑我以神誣我也

徵賢証也薛証前代人事不役諸侯可知宋啓寵

納侮開寵過分則自其比之謂矣必以仲幾為戮

乃執仲幾以歸三月歸諸京師城三旬而畢乃歸

諸侯之戍齊高張後不從諸侯高張後至晉女叔

寬曰周襄弘齊高張皆將不免襄弘違天天厭周弘欲遷

高子違人諸侯相率以崇天天之所壞不可

支也衆之所為不可奸也支持也奸犯也哀二年殺襄弘六年高張出奔

○公羊曰仲幾之罪何不襄城也註若今以草衣城是也其

言于京師何伯討也伯討則其稱人何貶曷為貶

不與大夫專執也曷為不與實與而文不與文曷

為不與大夫之義不得專執也。周鞏簡公棄其子

弟而好用遠人。棄親用疎

癸巳二年夏四月辛酉鞏氏之群子弟賊簡公。以棄

定親用疎故也

乙未四年○劉卷卒○葬劉文公。即劉公子桓公嗣

丙申五年春王人殺子朝于楚。時吳入楚亂

丁酉六年周僖嗣率王子朝之徒因鄭人將以作亂

于周。僖丁其反翻鄭於是乎伐馮滑胥靡負忝狐

人闕外。周六邑陽城縣西南有負忝亭六月晉閻浚戍周且城胥

靡。晉使閻浚戍城○冬十二月天王處于姑猶。猶音由周

地辟僭翩之亂也

戊戌定七年春二月周僭翩入于儀栗以叛儀栗周邑○

夏四月單武公穆公子劉桓公文公敗尹氏于窮

谷尹氏復黨○冬十一月戊午單子劉子逆王于

慶氏慶氏守姑晉藉秦送王籍談己巳王入于王

城館于公族黨氏而後朝于莊宮黨音掌

己亥定八年二月己丑單子伐穀城在開劉子伐儀栗

辛卯單子伐簡城劉子伐孟以定王室

己酉哀三年劉氏范氏世為婚姻長弘事劉文公弘為

公屈大夫故周與范氏與助也周助趙鞅以為討六月

癸卯周人殺萇弘。

乙丑哀久叔青如京師敬王崩故也。世族譜敬王十九年

子元王十年春秋之傳終矣則崩在哀廿七年
記在十八年世本在二十年六國年表起自元王
及本紀皆云元王八年崩子定王介
立定王元年是魯哀公之二十七年

春秋左傳類解周卷之一終